

摘藻堂四庫全書薈要

史部

欽定四庫全書薈要

史部

欽定天祿琳琅書目卷三

詳校官員外郎臣潘紹觀



欽定四庫全書薈要卷一萬三十二

史部

欽定天祿琳琅書目卷三

宋版集部

楚辭

一函  
四冊

周屈平撰附宋玉景差賈誼莊忌劉安擬騷諸  
篇共八卷宋朱子集注目錄後載朱子序前有  
宋羅荷向文龍二序汨羅山水圖屈平朱子二  
像

宋陳振孫書錄解題謂朱子以王逸洪興祖注或迂滯而遠於事情或迫切而害於義理遂別為之注其訓詁文義之外有當考者則見於辯證所以祛前注之蔽陋而發明屈子之微意於千載之下其於九歌九章尤為明白痛快公為此注在慶元退居之時蓋有感而託其篇第視舊本益賈誼二賦而去諫歎懷思屈子所著二十五篇為離騷而宋玉以下則曰續離騷考宋

史寧宗慶元二年朱子草封事數萬言陳姦邪蔽主明丞相趙汝愚之寃力辭職名詔仍充祕閣修撰時臺諫皆韓侂冑所引有胡紘者未達時謁朱子於建安待以脫粟飯紘不悅語人曰此非人情隻雞尊酒山中未為乏也及是乃銳然以博擊為任以疏草授御史沈繼祖奏之誣論十罪詔落職罷祠振孫所謂有感而託者蓋以此也是書刻於咸淳丁卯係宋度宗三年所

繪汨羅山水圖中有清烈公廟及墓考宋史秘書監何志同言諸州祠廟多有封爵未正之處如屈原廟在歸州者封清烈公在潭州者封忠潔侯之類宜加稽考取一高爵為定悉改正之云云蓋宋祀典封爵初封侯再封公當時既經改正潭州之廟宜亦稱清烈公又按汨羅在湘陰縣北宋為潭州所屬施南向文龍序稱學製湘陰汨羅隸焉欲索楚辭集註善本與邑之賢

士大夫共讀之則未之有乃輟俸刻梓於縣齋  
廬陵羅荷者時為文學掾故亦為序之其刻是  
書蓋欲求為善本宜其雕槧精良也

御題信是身清志猶烈允宜朱註向為刊害公有疾  
託蕭父正道無妨擬蕙蘭論古恒明論今閭責人則  
易責躬難畢然惕若披芸處敢作尋常漱潤觀乾隆  
乙未仲春御筆鈐乾隆雙璽

衡山文癖藏

卷八末

右明文徵明自識藏本其子文彭亦有印記後  
入攜李項氏泰興季氏二家收藏

季印  
振宜

朱文 序首  
目錄 卷四

攜李項  
樂師藏

朱文

項氏萬卷  
堂圖籍印

八分朱文 俱序首  
卷二 卷四 卷六

滄  
葦

朱文  
目錄

項印  
葦

白文

少齋  
主人

朱文  
俱卷一

萬卷堂  
圖籍章

朱文 卷一卷三  
卷四 卷八

衡  
山

朱文

梅谿  
精舍

玉蘭  
堂

白文

季振宜  
藏書

朱文

文彭  
之印

白文  
俱卷八



謝宣城詩集

一函  
二冊

齊謝朓著五卷宋樓焯序序後有宋洪伋識

宋史樓焯字仲暉婺州永康人登政和五年進士第歷官至僉書樞密院事兼權叅知政事為李文會詹大方所劾與祠久之除知宣州此書序中稱至郡視事之暇鋟版傳之云云蓋即知宣州時所定考其年月係宋高宗紹興二十八年陳振孫書錄解題云集本十卷樓焯知宣州

止以上五卷賦與詩刊之下五卷皆當時應用  
之文襄世之事可采者已見本傳及文選餘視  
詩劣焉無傳可也所言皆本於昭序序後有嘉  
定庚辰鄱陽洪伋識庚辰為宋寧宗嘉定十三  
年故伋稱樞密樓公鋟木距今六十四年字畫  
漫毀幾不可讀用再刻於郡齋又考宋周必大  
洪文惠公神道碑銘載适孫十人伋奉議郎荆  
湖南路提舉茶鹽司幹辦公事未載其知宣州

蓋必大為其祖适作碑銘時尚在保守郡前耳  
御題李杜稱詩久樓洪鋟版行芸香資望古藻績足  
怡情詎祇搞辭麗頗多契理精欲嗤劉刺史何據五  
言城乾隆乙未春御筆鈴乾隆雙璽

泰興季振宜滄葦氏珍藏 卷五末

御史  
之章

白文

季印  
振宜

滄  
葦

朱文

俱目錄

季振宜  
字說芳  
號滄葦

朱文

各卷首

振宜  
之印

朱文

振宜藏書

九家集注杜詩

四函  
二十四冊

唐杜甫著宋郭知達集九家注三十六卷前知達序宋曾噩序

宋鼂公武郡齋讀書志謂自王洙源叔以後學者喜觀甫詩有趙次公者以古律詩雜次第之且為之注按趙次公字彥材蜀人所註杜詩名曰正誤此書為成都郭知達所輯知達宋史未載其人而家於成都係與彥材同鄉里故所輯之注首王文公而終之以彥材蓋以彥材之注

為盡善也按序中所載九人其一為趙彥材餘

八人王文公名安石臨川人宋景文名祁蜀人  
豫章先生即黃庭堅寧州人王源叔名洙太原  
人薛夢符河東人杜時可名田南城人鮑文虎  
縉雲人師民瞻名尹蜀人知達序稱屬二三士  
友各隨是非而去取之如假託名氏撰造事實  
皆刪削不載據此則亦博採而取其至精者矣  
其書刻於宋孝宗淳熙八年至理宗寶慶元年

曾噩為廣南東路轉運判官重為校刊序稱蜀  
士趙次公為少陵忠臣蜀本引趙注最詳所恨  
紙惡字缺不滿人意茲摹蜀本刊于南海漕臺  
會士友以正其脫誤云云書後有承議郎通判  
韶州軍州事劉鎔潮州州學賓辛安中進士陳  
大信同校勘銜名列于噩銜之右考明凌迪知  
萬姓統譜載噩字噩甫閩縣人學問淹貫文章  
簡古慶元間尉上高有聲後遷廣東漕使鎔安

中大信俱無考璽之刻是書也集諸僚友精其  
校讐固非苟焉付剞劂者故字畫端整一秉唐  
人而刻手印工皆為上選

御題平生結習最於詩老杜真堪作我師書出曾鉞  
實郭集本仍寶慶及淳熙九家正注宜存耳餘氏支  
辭概去之適以遺編搜四庫乃斯古刻見漕司希珍  
際遇殊驚晚尤物閤章固有時重以琳琅續天祿幾  
間萬遍讀何辭乾隆甲午仲夏月中澣御筆鈐乾隆

雙璽又

御題兌氏之戈和氏弓續增天祿吉光中浣花眉列  
新全帙金粟身存舊卷筒尤物寧論顯與晦逢時亦  
有塞兮通武英棄置今方出絜矩人材默惕衷乙未  
仲春月御筆鈐

寶二曰乾隆宸翰曰幾暇臨池中繪  
御容鈐乾隆雙璽

明秀水項篤壽平湖陸啓浚收藏俱有印記考



樵李詩繫載啓浚字叔度平湖人後更名遜弱  
冠博極經史倜儻負奇類河朔壯士詩法全宗  
少陵有賁趾山房集史氏及篤壽見前餘無考

韜士

當湖劉氏家藏

俱白文

每冊前副葉

容齋

朱文

夏華

白文

俱每冊後副葉

史氏家傳翰院  
收藏書畫圖章

朱文 目錄 卷一之卷四 卷七之卷十六 卷十八之卷二十四  
卷二十九 卷三十 卷三十三之卷三十六

劉炳圖印

白文 卷一  
卷七 卷三

榕谷

朱文 卷一 卷十二  
卷五 卷二十七

宛委山房

白文 目錄 卷之三  
卷五 卷七

陸叔度書印

朱文 目錄 卷一之三 卷五 卷七 卷九 卷十 卷十二 卷十四之十七 卷二十 卷二十一 卷二十三 卷二十五 卷二十七 卷二十九之三 卷三十三 卷三十四

劉印炳圖

朱白相間文 目錄 卷六 卷十 卷十三 卷十五 卷十六 卷十九 卷二十 卷二十三 卷三十一

韜士

白文 目錄 卷六 卷十 卷十三 卷十八之二十

項篤壽印

白文

項氏子長

朱文 俱目錄 卷一之三 卷五 卷七 卷九 卷十一 卷十二 卷十四之十七 卷十九之二十一 卷二十三 卷二十五 卷二十七 卷二十九之三十一 卷三十三 卷三十四

劉印炳圖

朱文

初炳

白文 俱目錄 卷一 卷二 卷四 卷八 卷十一 卷二十五 卷三十一

士讀  
孫膚

白文 卷一

卷四 卷六

前丘吳  
氏家藏

白文 目錄 卷一 卷四

卷六 卷八 卷十一

陸印  
啓宏

白文

叔度  
氏

朱文 俱目錄 卷一 卷二 卷四 卷六  
卷八 卷十 卷十三之十六 卷十八

桃花  
村家

朱文

項氏萬卷  
堂圖籍印

朱文 八分 俱目錄 卷一 卷二 卷四 卷六 卷八 卷十  
卷十一 卷十三之十六 卷十八之二十 卷二十二 卷二十四 卷二十六  
卷二十八之三十 卷三十二 卷三十四 卷三十六

炳  
圖

士韜

朱文 卷三 卷十 卷十四之十六 卷二十  
卷三十一 卷三十二 卷三十四 卷三十六

劉印  
炳圖

朱文

父初炳

白文 俱卷五 卷十四 卷二十二

卷二十四 卷二十六 卷二十八 卷二十九

初丙火

朱文 卷七

劉炳園印

白文 卷九

炳初

白文 卷九

草原谿  
草堂

白文 卷九 卷十一  
卷十二 卷十四之十六

蘭林長

白文 卷十七  
卷十九之二十一  
卷二十三 卷二十五

劉炳圖印

白文	卷十七
卷十九	卷三十三

炳初

白文 卷十七  
卷十九

一名遊

陸氏叔度

白文 卷十八之下 卷二十二 卷二十四  
卷二十六 卷二十八 卷三十 卷三十二  
卷三十四 卷三十六

一字韜士

朱文 卷十九  
卷二十三 卷三十三

象山  
之裔

白文 卷三  
卷三十五 卷三十九  
之卷三十五 卷三十九  
卷三十四

卷三十四

闕補卷二

二十八  
六十五

卷二十

末葉

黃氏補千家註杜工部詩史

一函  
十三冊

唐杜甫著宋黃希黃鶴補註三十六卷前載宋

吳元集錄傳序碑銘詩記鶴自訂甫年譜辨疑

並集註杜詩姓氏有董居誼吳文序

考黃希字夢得臨川人宋孝宗乾道二年進士

官終永新令楊萬里曰夢得之學奄有古今晚

年作詩慕少陵句法有補註杜詩搜剔微隱皆

前人所未發未成而卒子鶴續成之重定年譜  
名曰黃氏補註杜詩是當日此書之成已為名  
流所推重其於詩之有關時事者皆於題下註  
明故謂之詩史所引前人註皆各標名而出於  
希鶴父子之手者亦書名別之董居誼字仁夫  
臨川人孝宗淳熙間進士充賀金國生辰使悉  
得其國中事宜以歸遷四川制置使吳文吳元  
無考

松陽氏藏本未詳其人內有紅筆校正處頗為  
精核

松陽氏  
書記

白文

傳首

新刊詁訓唐昌黎先生文集

六函  
三十二冊

唐韓愈著宋韓醇詁訓正集四十卷外集十卷  
遺文一卷共五十一卷前載唐李漢序

是書惟卷一下標臨卽韓醇四字前後俱無序

跋考之宋史不載醇傳按宋刊五百家詁訓昌黎文集列諸儒名氏載醇字仲韶又詁訓柳宗元集亦出醇手書後有醇記作於宋孝宗淳熙丁酉稱世所傳昌黎文公文雖屢經名儒手余昔校以家集其舛誤尚多有之用之為訓詁云云則醇為愈之裔可知其家在臨邛當即為蜀中所刊宋葉夢得以蜀本在建本之上觀此書字精紙潔刻印俱佳夢得所言洵不誣也



御題宋刊昌黎集五十一卷卷首有乾學徐健菴諸  
印想未收入御府之先為舊臣徐氏藏書字畫精好  
紙墨細潤非坊賈貌為舊刻者可比天祿琳琅所貯  
韓集當以是本為第一乾隆御題鈐

寶三曰乾隆宸翰曰幾暇臨池曰幾暇鑒賞之璽又  
御題載道惟文語不磨齊昌黎者更伊何唐家制度  
傳垂露宋氏槧鉛存擘窠真是起衰空八代弗慙濟  
溺息千波言宜長短因氣盛玩味多年受益多乙未

新正再題鈴乾隆雙璽

明李廷相藏本凌迪知萬姓統譜載廷相字夢弼濮州人巡撫順天提督紫荆關李瓚之子弘治壬戌進士第三歷官禮部尚書謚文敏

本朝尚書徐乾學亦曾收藏俱有印記餘印無考書中卷二十二之卷二十七凡三冊每葉有模字紅印乃出俗刻斜印紙上雜出不倫故不採錄

學

朱文

徐

白文

吳氏家藏

朱文

俱序首

濮陽李廷相雙  
檜堂書畫私印

朱文

遺文目錄

周印  
允元

白文 卷八

卷十一

味易  
餘間

朱文 卷二十二 卷二十三 卷二十四

卷二十五 卷二十六 卷二十七

元共  
印

朱文 卷二十五

闕補卷三十八 卷八二 卷十二 卷二十六 六

卷三十四 一

新刊詁訓唐柳先生文集

六函  
六十六冊

唐柳宗元著宋韓醇詁訓正集四十五卷外集

上下二卷新編外集一卷共四十八卷前載唐  
劉禹錫序宋王咨序後醇自記并附錄宋穆修  
後序

是書與前韓愈文集體例版式相同後有醇記  
王咨為之序稱本朝古文始自河南穆修伯長  
實宗韓柳韓之文定於諸鉅公之手而柳集亦  
經伯長是正胥山沈晦復相讐正比伯長加詳  
然其機杼源委要未呈露仲韶先注釋韓集學

者爭傳其書而斯文加密非仲韶發之孰窺其  
秘云云是醇註愈集既就已先版行後又註宗  
元集付刊悉仿愈集之式以二書合而並傳故  
宗元集後有記而愈集後無記也穆修鄆州人  
真宗東封詔舉齊魯經行之士賜進士出身歷  
潁州文學叅軍沈晦字光用錢塘人宣和間進  
士第一累官徽猷閣直學士王咨字夢得蜀人  
著有雪齋文集

雲間莫氏城南精舍藏書

後序末

右識語一係莫是龍書此本歷經明文徵明王世懋顧從禮莫是龍至

本朝季振宜徐乾學收藏俱有印記考顧從禮明嘉靖間中書舍人徵明諸人並已見前餘印無考

玉蘭堂

白文

乾學

朱文

徐

白文

俱王序

季振宜讀書

朱文墨印序卷二卷五卷八

卷十二卷十五卷十九卷二十三

卷三十五 卷二十七 卷三十一 卷三十八

卷四十一 卷四十三 卷四十五

劉惔書記

朱文序 卷二 卷五 卷八 卷三 卷十五 卷十九 卷三十三 卷三十六 卷三十一 卷三十四 卷三十八 卷四十一 卷四十三 卷四十五

敬美甫

白文序 卷一 卷三 卷五 卷八 卷十一 卷十四 卷十七 卷二十 卷二十四 卷二十七 卷三十一 卷三十五 卷三十八 卷四十一 卷四十三 外集上

周子點明堂

朱文序

手振宜字說芳號海萊

朱文墨印序

武陵郡圖書記

朱文無蘭序 後序

周印允元

朱文劉序目錄

振宜之印

朱文墨印劉序卷一

雲卿印

白文目錄

莫印是龍

白文目錄

江左

朱文

古吳王氏

白文俱目錄

金樵仁印

白文

目錄

卷三

卷五

卷八

卷十一

卷十四

安素堂印

白文

目錄

卷十七

卷二十

卷二十四

卷二十七

卷三十一

外集上

十四

十七

卷三十五

卷三十八

卷四十一

卷四十三

外集上

外集上

外集上

十四

十七

辛夷館印

朱文

子先

白文

翠竹齋

白文

顧從權印

白文

俱目錄

莫氏雲卿

卷一

朱文

周九元印

朱文

卷一

卷三

卷五

莫生秋水

白文

城南精舍

白文

俱卷一

搖城金氏

白文

卷二

外集上

後序

湘雲館

朱文

卷四

卷八

卷十

卷十三

卷十六

卷十九

卷二十二

後序

卷二十六

卷三十

卷三十四

卷三十七

卷四十

卷四十二

卷四十五

後序



秋月

朱文 卷五之九 卷十一 卷十九之二十一 卷二十三之二十五

卷三十四之三十七 卷三十九 卷四十

闕補卷三十

二之五

卷四十四

全

新刊五百家註音辨昌黎先生文集

四函三十二冊

唐韓愈著正集四十卷外集十卷宋魏仲舉集

註前載引用書目一卷評論詁訓音釋諸儒名

氏一卷韓文類譜七卷

宋史藝文志及宋馬端臨文獻通考皆不載是

書書中亦無纂集人名氏惟正集目錄後有木  
記曰慶元六禩孟春建安魏仲舉刻梓於家塾  
應即為仲舉集註當時係韓柳並刻柳集引用  
書目中載仲舉名懷忠按宋人刻梓家塾之書  
多有款識如宋版春秋經傳集解二部一曰相  
臺岳氏刻梓家塾一曰世彩廖氏刻梓家塾皆  
有木記亦此例也韓柳二集其所引書係合為  
一目標曰韓柳先生文集引用書目有後一部

可證此本挖去韓柳二字改為昌黎乃書賈未  
得柳集因而偽為至後一部韓集書前有昌黎  
先生序記碑銘一卷看韓文綱目一卷後有昌  
黎別集一卷論語筆解十卷文集後序五篇皆  
此本所無此本書前載呂大防著韓吏部文公  
年譜一卷程俱著韓文公歷官記一卷洪興祖  
著韓子年譜五卷統名之曰韓文類譜而後一  
部逸之蓋流傳既久互有散佚耳其所收諸儒

評論詁訓音釋有名氏者一百四十八家新添  
逸姓氏者二百三十家合計為三百七十八家  
而曰五百家者未免夸大其詞然採錄亦可謂  
之博瞻矣

御題子厚退之昔並傳論文可擬以詩詮韓如杜也  
柳如李此則聖而彼則仙注五百家孰窺奧垂千萬  
代獨鈞元學焉有志知難到難到猶然勵勉旃乾隆  
甲午仲秋御筆鈐乾隆雙璽

琴川毛氏藏本有印記餘無考

僧印  
深輝

此宗

開齋

俱白文 引書目 類譜一卷一卷三卷五  
卷十五 卷十八 卷二十一 卷二十四 卷二十八  
卷三十一 卷三十二 外集一

汲古  
閣印

朱白  
問文

子孫  
世昌

在在處處  
物護持

俱白文  
卷八

天民



俱朱文  
卷十一

闕補卷九之卷十四 全

按卷九之卷十一後一部亦係抄補而此本所  
抄之注較少且此本卷十二之卷十四所抄與

後部刊本亦異則此係從他本採錄非得於原書也

新刊五百家注音辨昌黎先生文集

四函  
二十冊

正集四十卷外集十卷前載昌黎先生序傳碑  
記一卷看韓文綱目一卷引用書目一卷評論  
詁訓音釋諸儒名氏一卷後有別集一卷論語  
筆解十卷許渤序昌黎文集後序五篇

此本與前部版同紙色墨光亦復相似皆一時

摹印之書

唐五竇聯珠集載竇牟為東都判官陪韓

以下闕

劉師不遇分韻賦詩都官員外郎韓愈得

以下闕

客何

以下闕

此地深還隨躡鳧騎來訪馭

以下闕

霞

入松高老鶴尋猶疑隱形坐敢起竊桃心今

以下闕

闕

載近者莆田方崧卿考證訪蹟甚至猶取聯

珠

以下闕

登岳陽樓一大篇顧獨遺此何也右洪

容齋邁隨筆所紀余因錄于此考

以下闕

聊以備

遺失耳歲辛酉至治元年

以下闕

書於雙瑞堂

七十五歲

卷四末

右識語一書法宗宋蘇軾深得其妙當為元英宗時好古有得之人惜歲久紙損不知誰氏所書考宋洪邁容齋四筆中韓文公逸詩一則云唐五竇聯珠集載竇牟為東都判官陪韓院長韋河南同尋劉師不遇分韻賦詩都官員外郎韓愈得尋字其詩云秦客何年駐仙源此地深



還隨躡鳬騎來訪馭雲襟院閉青霞入松高老  
鶴尋猶疑隱形坐敢起竊桃心今諸本韓集皆  
不載近者莆田方崧卿考證搜訪甚至猶取聯  
珠中竇庠酬退之登岳陽樓一大篇顧獨遺此  
何也墨字所書即邁此語因附錄以補其闕

明文伯仁藏本按馮仙湜圖繪寶鑑續纂文伯  
仁字德承號五峯善畫山水為文徵明從子徵  
明有玉蘭堂此書有雙玉蘭堂印蓋伯仁仿徵

明為之者朱彛尊曝書亭集有五百家昌黎集  
注跋稱是書向藏長洲文伯仁家歸吾鄉李太  
僕君實蓋宋槧之最精者惜中間闕三卷後人  
補抄云云今書中有伯仁印而補抄之卷數亦  
適相符彛尊所指即是書也餘印無考



白文



朱文



朱白間文序傳碑記卷一 卷四

卷八 卷十三 卷十八 卷二十四

卷三十一 外集目錄 別集目錄

瑞芝館

白文

序傳碑記

介石齋  
圖書印

白文 序傳碑記 卷八

卷六 卷二十五 卷三十二

朱經私印

朱印  
民則

俱白文 目錄 卷一 卷五 卷十三 卷十九  
卷二十八 卷三十三 外集卷一 其第二印紙已殘闕

志仁齋  
圖書印

白文 目錄 卷三 卷七 卷十二 卷十七 卷二十三  
卷三十一 卷四十 外集卷十 論語筆解

雙玉蘭堂

白文 卷一

別集目錄

仁伯

朱文

別集目錄

闕補卷九之卷十一 全 卷十二 二十一 卷三十

二 二 卷四十 十六

新刊五百家註音辯唐柳先生文集 二函

十二冊

唐柳宗元著宋魏仲舉集註正集二十一卷附

錄二卷外集二卷新編外集一卷龍城錄二卷

前載看柳文綱目一卷宋文安禮柳先生年譜

一卷評論話訓諸儒名氏一卷後附柳先生序

傳碑記紀一卷文集後序五篇

宗元正集四十五卷此書自廿二卷以下皆闕  
書賈將目錄終三字移補廿一卷後故無魏仲  
舉本記然版式字體與韓集同實為宋本且正  
集尚存其半而外集諸種卷帙完好亦足珍也  
御題五百家注昌黎集實宋槧之佳者柳子厚集雖  
亦五百家注版式行款標題並同而紙色墨香遜韓  
集遠甚且正集廿二卷以下至末皆闕又改目錄終  
以彌縫之更非完善第柳集注刊本今鮮存者亦覺

片羽可珍惟當居韓之次耳附識題韓集詩之後並  
書冠此集卷端乾隆甲午仲秋御筆鈐乾隆雙璽

闕補卷十二

四

居士集

八函  
六十四冊

宋歐陽修著九十九卷後附祭修文及行狀謚  
議墓誌銘一卷共一百卷前宋祝庇民序

祝庇民列銜為迪功郎士曹掾兼戶曹及管左  
推勘公事序後又列朝散大夫知軍州兼管內

勸農事借紫金魚袋方時可朝請郎通判軍州  
兼管內勸農事賜緋魚袋周詵從事郎司儀曹  
事監方薦可諸銜名卷五十後載吉州公使庫  
開到六一居士集計五十卷宣和四年九月記  
又列迪功郎司士曹事郭嗣明迪功郎司兵曹  
事監秦尹迪功郎刑曹掾監洪知柔諸銜名庇  
民序稱太守陳公嘗以公帑之餘刻居士集五  
十卷觀者猶恨未為全本今太守方公惜之俾

嗣其事云云其書中所列之人宋史俱無傳考  
吉安府志載宋徽宗宣和三年至五年知州事  
者為陳城六年繼其任者為方時可則序中所  
稱太守陳公即為陳城序後所列銜名蓋時可  
同官卷五十後所列銜名蓋城同官也城與時  
可世系里居志亦未載而核其官稽其時實兩  
相脗合則是書之為北宋刊本信而有徵矣  
收藏諸印無考



竹溪  
陸逸

白文

卷一

九用

再可

俱朱文 卷十一 卷二十五 卷三十七 卷五十二

卷六十一 卷六十八 卷七十六 卷九十四

惟明

朱文

陳氏  
之章

白文 卷十一 卷十八 卷二十五 卷三十一 卷三十七  
卷四十四 卷五十一 卷五十七 卷六十一 卷六十五 卷六十八  
卷七十一 卷七十六 卷八十 卷九十 卷九十四 卷九十八

東坡先生和陶淵明詩

一函  
四冊

宋蘇軾著四卷前蘇轍詩引

文獻通考載蘇東坡前集四十卷後集二十卷  
奏議十五卷內制十卷外制三卷和陶集四卷

應詔集十卷又載陳振孫語曰杭蜀本同但杭  
本無應詔集是軾和陶集宋時杭蜀刊本皆有  
之其在全集中係別為四卷原可單行此本無  
校刊人名氏似即從全集中抽出且紙綴墨潤  
實為宋印之佳者

本朝崑山徐乾學藏本有印記餘無考

乾學

朱文

徐

王續

俱白文  
詩引

熙菴  
道人

朱文  
詩引  
卷四

藥城集

三函  
十六冊

宋蘇轍著前集五十卷後集二十四卷三集十卷共八十四卷前載淳熙三年禮部定謚議後有宋鄧光轍曾孫詡四世孫森三跋

轍曾孫詡跋云藥城公集刊行于時者如建安本頗多缺謬其在麻沙者尤甚蜀本舛亦不免今以家藏舊本並第三集合為八十四卷皆曾祖自編類者謹與同官及小兒輩校讐數過鋟

版於筠之公帑紀年為淳熙己亥按己亥為宋  
孝宗淳熙六年後列校勘官銜名為文林郎筠  
州軍事判官倪思從政郎充筠州州學教授鄧  
光奉議郎知筠州高安縣事閻丘泳光泳俱無  
考宋史載倪思字正甫湖州歸安人孝宗乾道  
三年進士中博學宏詞科累官寶文閣學士中  
間出知紹興府太平州泉州建寧府鎮江府福  
州而未及筠州軍事判官以其時考之當即是

人乃史傳中偶失載耳轍四世孫森跋云先文

定公藥城集先君吏部淳熙己亥守筠陽日以  
遺藁校定命工刊之森無所肖似濫承人乏到  
官之初重念先人所刊家集其版以歲久漫滅  
今撙節浮費乃一新之紀年為開禧丁卯按丁  
卯為宋寧宗開禧三年距詗鋟版之時歷二十  
九載父校于前子新于後宜其毫髮無遺為宋  
刊藥城集之冠且祖孫五世三治筠陽俾版刻

常新此中亦有天幸觀謝森書跋之字家法猶存亦可稱象賢矣

明文徵明藏本有玉蘭堂梅溪精舍辛夷館諸印

本朝泰興季振宜亦經收藏有印記



白文

謚議



朱文墨印

謚議前集目錄



白文



朱文

前集目錄



朱文墨印 卷一 卷六 卷十一 卷十八 卷二十三 卷二十六 卷三十四  
卷三十六 卷四十二 卷四十七 後集目錄 卷六 卷十二 卷十八 三集目錄

六臣註文選

二函  
二十冊

梁昭明太子蕭統撰六十卷唐李善呂延濟劉  
良張銑呂尚李周翰註前蕭統序呂延祚進五  
臣集註文選表李善上文選註表

是書不載刊刻年月而大小字皆有顏平原法  
按明董其昌跋顏真卿書送劉太冲序後有宋

四家書派皆宗魯公之語則知北宋人學書競  
習顏體故摹刻者亦以此相尚其鋟手於整齊  
之中寓流動之致洵能不負佳書至於紙質如  
玉墨光如漆無不各臻其妙在北宋刊印中亦  
為上品

御題此書董其昌所稱與漢書杜詩鼎足海內者也  
在元趙孟頫在明王世貞董其昌王穉登周天球張  
鳳翼汪應婁王醇曹子念並東南之秀俱有題識又



有國初李楷跋紙潤如玉南唐澄心堂法也字跡精  
妙北宋人筆意漢書現在大內與為連璧不知杜詩  
落何處矣天祿琳琅中若此者亦不多得乾隆御識  
鈐

寶二曰乾隆宸翰曰稽古右文之璽

元趙孟頫跋霜月如雪夜讀阮嗣宗詠懷詩九  
咽皆作清冷氣而是書玉楮銀鈎若與燈月相  
映助我清吟之興不淺至正二年仲冬三日夜

子昂識

卷二十  
三後

孟頫此跋作小行楷書曲盡二

王之妙其愛是書也至足以助吟興則宋本之  
佳者在元時已不可多得矣

明王世貞跋余所見宋本文選亡慮數種此本  
繕刻極精紙用澄心堂墨用奚氏舊為趙承旨  
所寶往見於同年生朱太史家云得之徐少宰  
所幾欲奪之義不可而止太史物故有客持以  
見售余自聞道日束身團焦五體外俱長物前

所得漢書已授兒輩不復置几頭寧更購此因  
題而歸之吾師得無謂余猶有嗜心耶壬午春  
日世貞書於曇陽觀大叅同齋中  
卷五朱太史  
名無考所云徐少宰者按朱彞尊明詩綜載徐  
縉字子容吳縣人弘治乙丑進士歷官吏部左  
侍郎謚文敏

王穉登跋宋本文選往往見於藏書及好事之  
家欲其精善完好若此本者絕少此本紙墨鋟

摹並出良工之手政與瑯琊長公所藏漢書絕

相類漢書有趙魏公小像此書有公手書二書

皆公鄴架中本也流傳至今僅三百年而卷帙

宛然既免蟲魚之腹又不落雌黃之手豈靈籤

秘笈神物呵護之耶今歸朱司成象玄家出示

諦賞因漫題此此本視漢書亦猶蜀得其龍吳

得其虎耳矣萬厯甲戌人日王穉登書

卷二十  
五後

考穉登字百穀一字伯固長洲人太學生有晉

陵金昌燕市荆溪松檀諸集

周天球跋余少時嘗見是書于崦西公家後有  
文敏跋語數十字當是松雪齋中物今五十餘  
年復見於仲嘉處紙墨如新良可寶也癸巳秋  
八十老人周天球記

卷五  
十後

考天球字公瑕號幼

海長洲諸生善畫蘭仲嘉姓汪名道會歙人著  
小山樓藁卷中有印記崦西公未知誰氏

張鳳翼跋予嘗見此書於徐文敏嗣君架上云

是文敏所鍾愛以貽其後之人者其紙墨精好神采煥發令人不忍去手且其間有趙文敏手識數語則知此書嘗入松雪齋中夫先後相去二百年而遙而去一文敏復歸一文敏豈文選之為文也固自有夙緣耶予穉歲購得一部為黃勉之先生家物與此同出一梓而刷印在後後有景石子題字其紙墨不及此遠甚今已為好事者易去不復得與相較然大都不相及也

夫一梓印出且相懸如此矧後之翻版耶近留意選學將纂輯諸註則聞此書已歸雲間因倩人借留案頭校對匝月遂識歲月歸之亦俾好事儒者知所珍重云萬厯丁丑仲秋望長洲張鳳翼

卷三十  
二後

考鳳翼字伯起嘉靖甲子舉人有

處實堂集黃勉之名省曾吳縣人嘉靖辛卯舉人有五岳山人集

汪應婁跋嘉賓拉予過清遠閣出所藏種種珍

玩古色照人真令目眩神馳應接不暇復翻其  
架上宋版文選又所罕覲者紙精墨妙居然完  
璧未有趙文敏公手書數行是為松雪齋寶藏  
者後傳之吾宗仲嘉有王元美周公瑕張伯起  
王伯穀諸君跋古雅如仲嘉經其收藏當為增  
價後傳之海陽好事家嘉賓親往而厚值迺今  
貯之閣中吾知嘉賓願讀盡天下好書者而文  
選尤詞林嚆矢宜其焚香披閱更助清吟之興



不淺矣珍而藏之可為家寶則清遠主人之架

勝玄晏先生之架云社弟汪應婁書

卷十  
七後

應婁

無考其稱吾宗仲嘉當亦為新安人按徽州府

志載明汪應蛟婺源人官尚書又汪應元歙人

官御史未知應婁為誰之雁行也嘉賓湯賓尹

字宣城人萬厯乙未進士第二授翰林編修累

官至南國子監祭酒以時考之跋中所稱嘉賓

當即為賓尹然後李楷跋乃作於諸跋之後而

曰吳君珍重似嘉賓又係吳姓抑或從賓尹家  
再歸於吳亦未可知附著於此以俟參考

王醇跋余知仲嘉有宋版文選心搖搖十餘年  
矣及造其廬未遑索看後逢嘉賓於托山小有  
園出陶隱居及唐宋墨蹟示之皆人間所未見  
者業已奪人精魄且許以此書出觀以暝色不  
能歸去役我魂夢越數日始得一覲紙墨之光  
射目字楷而有致竟日披覽得未曾有時松風

弄弦遠山橫黛是生平第一樂事己未小雪日

太原王醇識

卷二十八後

考王醇揚州人太原其望

也

曹子念跋曰予於萬卷樓見弇州公所得兩漢書以為宋版第一後復有持文選至者楮色瑩膩似覺更佳從臾公購之以為合璧而公以奉道屏去一切翫好猶為題數語令客持去念之常以為恨今秋復購於仲嘉寓舍披閱甫畢已

負之入黃山矣念再見無期因識其末簡萬歷

癸巳中秋日曹子念書

卷四十  
七後

考子念字昌先

太倉州人

李楷跋藏書讀書皆有非常之福其精神又足以相久故非易事而得觀古人之賞鑒手蹟益不敢不什伯讚歎趙文敏往矣弇州元宰諸君子今安在滄田之嗟亦復如是吳君珍重此歷劫不壞之金剛寶也文字點畫刻手能存其書

法即有圭瑑不可易矣己丑清秋八月八日河

濱岸翁李楷跋

卷二十  
六後

李楷無考按董其昌卒

於崇禎九年歲在丙子今跋中有弇州元宰諸  
君子今安在之語則此跋之作於己丑蓋

國朝順治六年也

歙汪氏春草閣藏

呂延祚表後

卷六十

右識語下有洪度橢圓印一于鼎小長方印一

考歙縣志載

本朝文苑汪洪度字于鼎松山里人工文詞著有  
息廬集弟洋度字文治詩有逸致書法仿晉人  
並有才名卷中亦有印記又有汪道昆印道昆  
字伯玉亦歛人明嘉靖進士與王世貞同年世  
貞稱其文簡而有法名大起晚年官兵部侍郎  
世貞亦嘗貳兵部天下稱兩司馬云餘印無考

趙氏  
子昂

朱文 呂延祚表

卷三十三

汪印  
道昆

白文 目錄

卷一

汪印  
道會

朱文

卷一

汪 朱白  
十問文

洋 白文  
度 卷二

天水郡 朱文 卷二  
圖書印

洪印 朱文  
雲行

字雨 白文  
平 卷五

吳印 白文 卷二十  
宇衡 卷二十三

朱氏 白文  
子儋

盤石 朱文  
山樵 卷二十三

存條 白文  
堂印

子 朱文  
儋 卷二十三

汪仲 白文  
嘉氏

王尹

驚客 俱朱文  
卷六十

# 六臣註文選

二函  
十六冊

## 篇目同前

此書與前部係出一版而紙墨之色摹印之工亦無軒輊洵堪同寶惟書首僅有呂延祚表其蕭統序及李善進表皆闕蓋歷年既久流傳散佚固往往有之而篇目尚全亦無損其為完書也

新安汪洪度藏本有印記又清暉館印考歙縣志載吳孔嘉字元會明天啓乙丑進士官編修有清暉館集餘印無考



鼎

元

朱文表 卷二 卷四 卷九 卷十三 卷十六 卷十九 卷二十二  
卷二十五 卷二十八 卷三十 卷三十四 卷三十八 卷四十二 卷四十四  
卷四十七 卷五十 卷五十三 卷五十六 卷五十九

季雅

朱文表

陳帆之印

白文目錄

汪洪度印

白文表目錄

于鼎

朱文目錄

吳肇南印

朱文目錄 卷二 卷四 卷九 卷十三 卷十五 卷十六 卷十八 卷十九  
卷二十一 卷二十五 卷二十八 卷三十 卷三十四 卷三十八 卷四十一  
卷四十四 卷四十七 卷五十 卷五十三 卷五十六 卷五十九

雪晴齋書畫記

朱文目錄 卷二 卷四 卷九 卷十三 卷十六 卷十九  
卷二十一 卷二十五 卷二十八 卷三十 卷三十四 卷三十八 卷四十一  
卷四十四 卷四十七 卷五十 卷五十三 卷五十六 卷五十九

翠竹  
山房

王女  
樵父

俱朱文  
卷一

奇滋

朱文 卷一  
卷三十

爽穎  
發而  
清風至

朱文

俞  
異菴

白文

平子  
氏

白文  
卷一

奇滋

俞氏  
書畫  
之印

俱朱文 卷一 卷二 卷四 卷九 卷十三 卷十六 卷十九  
卷二十一 卷二十五 卷二十八 卷三十 卷三十四 卷四十 卷四十一  
卷四十四 卷四十七 卷五十 卷五十三 卷五十六 卷五十九

彥  
敬

據誠効  
義靖遠  
功臣世家

俱白文  
卷三

清暉  
館

白文  
卷三十二

南浦  
別字  
蒙谷

白文  
卷六十

六臣註文選

二函  
十六冊

篇目同前

此書亦前版而摹印並出一時古色古香竟成  
鼎峙觀前部張鳳翼跋云穉歲購得一部與此  
同出一梓而刷印在後紙墨不及遠甚則是前  
明鑒藏家求初印本已不可多得乃經三百載  
後而登冊府者無有其三縹緗之富古未之有  
也

朱氏明仲家塾

卷六  
十末

右識語一明仲未詳其人此書為宋趙孟堅藏  
本有子固印考金賚畫史會要孟堅堅字子固  
號彝齋居海鹽廣陳鎮寶慶二年進士修雅博  
識人比米南宮官至朝散大夫知嚴州府又明  
文徵明文伯仁項篤壽王寵及

本朝季振宜俱經收藏按王世貞吳中往哲像贊  
王寵字履仁後字履吉別號雅宜山人吳縣人

為邑諸生貢入太學詩好建安三謝書摹永興  
大令為時所趨徵明諸人見前餘印無考

翠竹  
齋

梅華  
屋

鉄硯  
齋

玉蘭  
堂

王印  
履吉

俱白文  
李善表

季振宜  
藏書

朱文  
李善表

宋本

朱文 呂延祚表  
目錄

竹塢

江左

季印  
振宜

滄  
葦

俱朱文

梅齋  
精舍

古吳王氏

春草堂印

俱曰文

呂延祚表

御史振宜之印

白文

序

五峰樵客

白文

目錄

徐尚德萬卷樓藏書印

朱文 卷一 卷四 卷十 卷十一 卷十三 卷十五 卷十六  
卷十七 卷二十 卷二十三 卷二十六 卷三十三 卷三十六 卷三十八 卷四十二  
卷四十四 卷四十五 卷四十七 卷四十八 卷五十一 卷五十三 卷五十四 卷五十六 卷六十

浙右項篤壽子長藏書

朱文 卷三 卷六 卷九 卷十二 卷十五 卷十八 卷二十一  
卷二十四 卷二十七 卷三十 卷三十三 卷三十六 卷三十九  
卷四十二 卷四十五 卷四十八 卷五十八

坦齋

桂巖書箱

俱朱文 卷七

一丘一壑

白文

別峯

朱文

天柱道人

白文 俱卷八

卷十一 卷三十二

子固

白文

卷五十六

明仲

梅月

俱白文

卷六十

# 六臣註文選

六函  
三十冊

篇目同前

此書亦前版而摹印在後墨光少遜書中有寶慶寶應州考及官書不許借出本記按文獻通考輿地考載宋理宗寶慶間以逆全之亂降淮陰郡為淮安軍又以寶應縣為寶應州是寶應

州之名自理宗時始建故官印於州名之上冠以紀年此本係北宋時刻版印於南宋而稱為官書則知為北宋官刻宜其雕槧精良甲於他版也

明文徵明藏本有玉蘭堂印又王寵項篤壽及本朝季振宜俱經收藏餘印無考

宋本

朱文序 卷十三 卷十五 卷十七 卷十九 卷二十一  
卷二十三 卷二十五 卷二十七 卷四十七 卷五十六

呼童掃落花

朱文序 卷九



南楚  
車氏  
鑒藏

朱文序

卷三十一

即是  
深山

白文

序

江左

朱文序 卷九 卷十七 卷二十一 卷二十七

卷二十九 卷四十七 卷四十九 卷五十一 卷五十四  
卷五十六 卷五十七 卷五十九

竹塢

朱文序 卷十七

卷十九 卷二十一 卷二十九  
卷三十一 卷五十九

季振宜  
藏書

朱文序 卷一 卷三 卷五 卷七 卷九

卷十一 卷十三 卷十九 卷二十一 卷二十五 卷二十七  
卷三十一 卷三十九 卷四十一 卷四十五 卷五十七 卷五十九

玉蘭  
堂

白文序 卷三 卷五 卷七 卷九 卷十一 卷十三 卷十五 卷十七

卷十九 卷二十一 卷二十五 卷二十七 卷三十九 卷四十三 卷四十五  
卷四十七 卷四十九 卷五十一 卷五十四 卷五十六 卷五十九

王印  
履吉

白文序 卷九 卷三十一

卷二十三 卷二十七 卷二十九

古吳  
王氏

白文序 卷九 卷十七 卷三十一

卷四十五 卷五十六 卷五十九

武陵人

白文序

卷九

桃花源裏人家

白文序 卷九

卷三十一 卷四十一

敬彥

白文 卷一

卷五 卷十八

吾道在滄洲

朱文 卷五 卷三十一 卷三十四 卷三十七 卷四十一 卷四十三

卷四十五 卷四十九 卷五十一 卷五十四 卷五十六 卷五十七 卷五十九

五字印

白文

卷九

季印 振宜

朱文 卷十 卷二十三 卷三十一 卷三十四 卷四十一

卷四十五 卷四十七 卷四十九 卷五十一 卷五十四 卷五十八

滄葦

朱文 卷十 卷二十三 卷三十一 卷四十一 卷四十五

卷四十七 卷四十九 卷五十一 卷五十四 卷五十六

御史 振宜之印

白文 卷十一 卷十五

卷十七 卷三十七 卷三十九

卷四十一 卷五十七

三華  
吳氏  
圖書

朱文

卷二十七

原  
印

白文

卷二十七

浙右項  
篤壽子  
長藏書

朱文

卷五十二

闕補卷六

四十二

卷十九十八

六家文選

六函  
六十一冊

篇目同前

此書與前四部別為一版亦未載刊刻年月惟  
昭明序後有此集精加校正絕無舛誤見在廣  
都縣北門裴宅印賣木記考一統志四川統部

表載益州蜀郡東晉分成都置懷寧始康二郡  
又分廣都縣置寧蜀郡是廣都縣之稱得名最  
古宋時鏤版蜀最稱善此本字體結構精嚴鐫  
刻工整洵蜀刊之佳者木記應是當時裴姓書  
肆所標亦廖氏世綵堂之例也

袁氏昌安堂珍藏

卷六十後

右識語一袁氏未詳其人琴川毛氏藏本有印  
記餘無考

汲古主人

朱文序

卷六十

毛氏子晉

朱文

序

興父

白文

卷一

鏡子機

白文

卷六十

興父

朱文

卷六

子

晉

朱文

卷六十

玉臺新詠

一函  
二冊

陳徐陵撰十卷前陵序後宋陳玉父序

永嘉陳玉父後序稱玉臺新詠集十卷幼時至  
外家李氏於廢書中得之舊京本也版有刊者

欲求他本是正多不獲嘉定乙亥始從人借得

豫章刻本纔五卷又聞有石氏所藏錄本復求

觀之以補亡校脫於是其書復全云云考乙亥

為宋寧宗嘉定八年所云舊京本當為北宋時

所遺而此乃重刊於南宋者陳玉父無考按宋

永嘉陳埴陳宜中諸人或以道學稱或以風節

著則知永嘉陳氏係宋望族玉父之刻是書讐

校周詳摹刻精好亦可謂深於好古不隕家聲

者矣

錢謙益藏本海翁印未詳其人

餘春堂

海翁

俱白文 陵序  
卷六

牧齋

錢印  
謙益

俱白文  
卷五 萃

玉臺新詠


一函  
四冊

篇目同前

此書與前部係出一版密行細字仿巾箱本式而尺寸加盈製極精雅其摹印亦屬良工故清

朗照人可為合璧

明王鏊藏本有濟之印考明史鏊字濟之吳縣人成化乙未進士第三授編修累官至大學士卒贈太傅謚文恪鏊在相位時劉司馬大夏楊相一清皆劉瑾所忌將甘心焉鏊為委曲諭解人以此多之王禹聲印未詳或即鏊羣從也



俱朱文陵序

卷四 卷七 卷九



俱白文

陵序



濟之

朱文

王禹偁  
考甫一名  
倬字昭回

朱白問文

子孫  
永寶

朱文

玉父序

唐文粹

四十冊

宋姚鉉撰一百卷後宋施昌言序

鼂公武郡齋讀書志曰鉉廬州人太平興國中  
進士文辭敏麗善書札藏書至多頗有異本累  
遷兩浙漕課吏寫書采唐世文章分門編類初  
為五十卷後復增廣之坐事斥連州卒其子以

其書上獻詔藏內府命以一官又馬端臨文獻  
通考載廩史云鉉謫居連州嘗寫所著文粹一  
百卷好事者於縣建樓貯之官屬多遣吏寫錄  
吏以為苦以鹽水啖之冀其速壞後以火焚其  
樓據此則鉉成是書時在朝在野皆欲得之而  
未有為刊布者此乃臨安孟珙所刊為文粹一  
書初刻本宋仁宗寶元二年吳興施昌言後序  
稱卷帙浩繁人欲傳錄未易為力臨安進士孟

琪代襲儒素家富文史爰事摹印以廣流布觀  
其校之是寫之工鏤之善勤亦至矣若夫述作  
之旨悉於前序云云前序蓋鉉自述今已闕亦  
無目錄而相其紙墨實為北宋初印昌言宋史  
無傳按凌迪知萬姓統譜載昌言靜海人舉進  
士知太平州上政論三十篇入為殿中侍御史  
御題唐文粹一百卷五代姚右史鉉所纂昔人稱其  
用意精博世甚重之乃翻刻既繁流傳互異是本字

畫工楷墨色如漆猶見臨安孟珙原雕面目予選唐  
宋文醇依儲欣例於唐韓柳外增李翱孫樵兩家讀  
書稽古者以文醇為專家定本而叅之文粹以博其  
趣庶幾可乎乾隆御識鈐

寶二曰乾隆宸翰曰幾暇臨池

蘭陵蕭氏敷教堂所藏無考

敷教堂印

蘭陵蕭氏家藏

俱朱文

卷一

闕補卷十三一卷三十下之卷三十一下全卷

三十三卷三十四全卷五十二六之卷五十三

全卷六十六三卷一百九

聖宋文選二函  
十二冊

三十二卷無撰人姓氏

是書選集宋人文章自歐陽修以下凡十四家  
而三蘇之文槩不置錄按宋徽宗崇寧二年詔  
毀三蘇文集而孝宗御極降敕褒揚至為蘇軾

文集作序撰是書者或因三蘇本集字內爭傳  
故不復編纂亦猶王安石選唐詩不錄李白杜  
甫之意也書中未載刊刻年月觀其小楷書筆  
法森嚴密行中自見清朗蓋亦巾箱本之最佳  
者

收藏諸印無考內如一元印元當係緇流如一  
菴乃其棲禪之所按元詩中有僧名元字宗海  
或即其人也

白文目錄一葉

棟  
目錄九

秋水  
夫渠  
白文  
目錄

如一  
蒼  
白文  
目錄

如一  
元印  
白文目錄  
卷十一

崔  
飛白文目錄卷二卷五卷九卷十二

氏  
卷十六卷二十卷二十四卷二十七卷三十卷三十一

明德  
堂之  
書畫  
印章  
朱文  
卷一

文章正宗

四函  
三十二冊

宋真德秀撰二十四卷前德秀自序

陳振孫書錄解題曰真德秀撰文章正宗其目

凡四曰辭命曰議論曰敘事曰詩賦去取甚嚴  
按德秀自序作於紹定執徐之歲乃宋理宗紹  
定五年序稱梁昭明文選姚鉉文粹果皆得源  
流之正乎今所輯以體本乎古指近乎經者然  
後取焉云云此振孫所以謂其去取甚嚴也是  
書寬行大字用筆整肅刻手印工亦皆精好前  
後無他人序似即德秀纂輯成書時自為校刊  
之本



書史之記一印無考

書史之記

朱文 卷一卷三 卷五 卷七 卷九 卷十一  
卷十三 卷十五 卷十七 卷十九 卷二十一 卷二十三

續文章正宗

二函  
十八冊

真德秀撰二十卷前宋倪澄鄭圭序

咸淳丙寅倪澄序云西山文忠公晚歲所續澄  
倚席括山窮日夜力繙校鄭君亦分其勞凡三  
月而藁具又四月而工畢釐為二十卷僅有其

目者則虛寘於末一代之文燦然畧備又鄭圭  
序云圭分教括山偕聯事倪君鉅諸梓以壽其  
傳先生心周程張朱之學觀正宗筆削可以槩  
見惜未脫藁天弗慙遺然大綱則備矣按丙寅  
為宋度宗咸淳二年澄圭二人宋史俱無傳考  
浙江通志澄金華人宋理宗寶祐四年丙辰進  
士知處州軍圭黃巖人理宗景定三年壬戌進  
士括山在處州時二人同官因有是刻觀兩序

所云乃德秀未完之書而澄與圭按前集四門之例因其所錄而分隸之其有目無文者則置於二十卷以存其闕所錄之文自歐陽修以下凡十四家版之尺寸與前集同而大字徑圍較小註字筆畫稍肥係仿前集而為之非合刻之本也

書中亦有書史之記一印蓋藏是書者取之以成合璧亦可為有心人矣

書史  
之記

朱文倪序 卷五

卷十 卷十五

選青賦箋

一函  
四冊

十卷無撰人姓氏

宋史藝文志及文獻通考經籍考皆不載是書  
卷中所錄盡當時省試之作目錄後有建安王  
懋甫刻梓於桂堂木記乃書賈所輯以版行者  
如陳振孫書錄解題謂指南賦箋五十五卷指

南賦經八卷皆書坊編集即係此類小版細書  
作中箱本其製甚精亦宋時佳槧足供祕玩者  
也

御題此宋人省試諸賦選本即唐人試帖及今館課  
之類蓋一時坊刻也特筆法精饒為宋本中絕佳者  
卷首末俱有文氏停雲印良可珍祕乾隆甲子秋分  
日御識鈐

寶二曰乾隆宸翰曰稽古右文之璽

明文徵明停雲館藏本

停雲

朱文卷一

卷十

闕補卷十五

蘭亭考

一函  
四冊

宋桑世昌輯高似孫刪定十二卷附羣公帖跋  
一卷前宋高文虎並似孫序後齊碩序

陳振孫書錄解題載蘭亭博議十五卷淮海桑

世昌澤卿撰世昌居天台放翁陸氏諸甥博雅  
能詩又載蘭亭考十二卷云即前書浙東庾司  
所刻視初本頗有刪改初十五篇今存十三篇  
去其集字附見二編其書始成本名博議高內  
翰文虎炳如為之序及其刊也其子似孫重為  
刪改去此二篇固當而其他務從省文多失事  
實或戾本意其最甚者序文本亦條達可觀亦  
竄改無完篇首末闕漏文理斷續於其父猶然

深可怪也考宋史文虎四明文登高宗三十年  
庚辰進士第聞見博洽多識典故歷官至華文  
閣學士知建寧府丐祠提舉太平興國宮其為  
世昌作蘭亭博議序正在其時考浙江通志載  
世昌高郵人號莫莽有文集三十卷此書乃浙  
東漕使齊碩屬似孫訂正之本按赤城志碩青  
社人宋寧宗嘉定十四年以宣教郎知台州似  
孫序作於嘉定十七年則為碩知台州時付梓



與振孫所云脗合似孫字續古淳熙十一年登  
進士第嘗著經略史略子略集略緯略諸書其  
詩有疎寮集三卷振孫稱其少有俊聲不自愛  
重為館職上韓侂冑生日詩九首皆暗用錫字  
為清議所不齒其讀書以隱僻為博作文以怪  
澁為奇就中詩猶可觀云云然馬端臨文獻通  
考經籍考中多引似孫子史諸略之言其博瞻  
自可槩見碩刻是書字法皆本歐體鋟印兼出

良工蓋亦鄭重而為之者

南嶽貞居記

卷三末

右識語一未詳何人按元顧瑛玉山草堂雅集  
載張雨一名天雨號貞居子明朱存理鐵網珊  
瑚載倪瓚云貞居貞人詩文字畫皆為本朝道  
品第一高啓云貞居字畫清道有唐人風格觀  
前五字用筆瘦勁似即張雨所書

明文徵明停雲館藏本

本朝秀水朱彝尊亦經收藏俱有印記餘無考

明徵

朱文序  
卷六

陳印  
文東

白文序  
卷一卷六

秀水朱  
彝尊  
錫堂氏  
朱文序

方溜室

朱文  
目錄

朱文

朱文目錄  
卷四  
卷六  
卷九

秀水朱  
氏潛采  
堂圖書

朱文  
卷三  
卷五  
卷八  
跋

停雲館

朱文  
跋

容齋

朱文

夏華

白文

俱每冊後副葉

金版史部

貞觀政要

一函  
六冊

唐吳兢撰十卷前金唐公弼序兢上貞觀政要表

晁公武郡齋讀書志曰兢以唐之極治貞觀為最故采時政之可備勸戒者上之于朝凡四十篇考唐書兢汴州浚儀人少厲志貫知經史當路薦其才堪論議詔直史館修國史此書當即

其時所進書前有大定己丑八月進士唐公弼  
序稱南京路都轉運使梁公出公府之貲命工  
鏤版按大定為金世宗年號己丑為世宗九年  
在南宋為孝宗乾道五年公弼無考所稱梁公  
未詳何人考金史梁肅奉聖州人天眷二年擢  
進士第大定初為中都轉運副使繼除河北東  
路遷中都都轉運使是肅生平屢任是官又適  
在大定之時似即其人但史未載其為南京都

轉運使或肅曾歟歷未久於任而史略之耳此  
本字宗顏體刻印精良與宋版之佳者無異藏  
書家知崇宋本而金版多未之及蓋緣流傳實  
尠耳目罕經似此吉光片羽真為希世之寶也  
御題好名曾昔議文皇三代下名好亦臧言不以人  
廢如是書原同帝範之覆吳兢采輯質文備梁肅鋟  
行勸戒詳幾度批芸欽古鑒寧徒玩紙墨精良乾隆  
乙未初夏御筆鈐乾隆雙璽

本朝徐乾學藏本

乾學

朱文


徐健

白文

俱序

欽定天祿琳琅書目卷三





總校官候補中書臣吳紹潔  
校對官中書臣徐秉敬  
謄錄貢生臣左顥若

欽定四庫全書叢要

史部

欽定天祿琳琅書目卷四




詳校官員外郎臣潘紹觀

欽定四庫全書薈要卷一萬三十三

史部

欽定天祿琳琅書目卷四

影宋鈔經部

周易輯聞

一函  
六冊

宋趙汝謀撰六卷前汝謀自序

考鏤板書籍始於周顯德間或據柳玘之言以  
為唐已有之而刊行大備要自宋始其時監中  
官刻與士大夫家塾付梓者校讐鐫鏤講究日

精宇內流傳罔不珍藏及時代既更漸至散佚  
明之琴川毛晉藏書富有所貯宋本最多其有  
世所罕見而藏諸他氏不能購得者則選善手  
以佳紙墨影鈔之與刊本無異名曰影宋鈔於  
是一時好事家皆爭仿效以資鑒賞而宋槧之  
無存者賴以傳之不朽是書汝楫自叙稱先君  
子於易凡六稿汝楫得於口授者居多因輯所  
聞於篇云云考宋史汝楫父名善湘濮安懿王

五世孫慶元二年舉進士累官至觀文殿學士  
所著有周易約說或問指要補過諸書汝謀其  
李子也

御題廣大無不備夫惟易道然輯聞傳汴水述學衍  
先天觀彼多合聖切予斯體乾影鈔猶識宋遠矣緬  
韋編乾隆甲午仲冬御筆鈐

寶二曰得象外意曰乾隆宸翰

復齋易說

一函  
二冊

宋趙彥肅撰六卷前載彥肅行實後宋喻仲可  
許興裔二跋

彥肅字子欽宋孝宗乾道間進士仕至寧海郡  
節度推官朱彞尊經義考載朱子語曰子欽易  
說為說太精取義太密或傷簡易之趣書後彥  
肅門人喻仲可跋云公卒後二十有六年郡太  
守許公取是書刊焉又許興裔跋云余假守嚴  
陵屬喻君校勘刊置公之祠堂與志學者共之

跋後紀年為嘉定辛巳按辛巳係宋寧宗嘉定十四年仲可與喬俱無考當時校刊既成其版入祠堂中或流傳不廣世罕其書幸有影鈔而善本亦可長存矣

童溪易傳

二函  
十二冊

宋王宗傳撰三十卷前宗傳自序宋林焞序

此書與前兩部字體相似行款亦同當屬一家影鈔之書故紙墨皆極精良足供寶玩宗傳焞

宋史俱無傳按朱彞尊經義考載董真卿曰宗傳字景孟臨安人太學上舍又載閩書宗傳寧德人教授韶州彞尊按云林焞亦寧德人淳熙八年與宗傳同舉進士焞序稱與童溪生同方學同學同及辛丑第則宗傳為寧德人無疑鄒陽董氏以為臨安人誤矣爰附錄之以資考證

三禮圖

二函  
八冊

宋聶崇義集註二十卷前宋竇儼序後宋陳伯



廣跋

崇文總目三禮圖二十卷聶崇義於周顯德中  
叅定郊廟器玉因博采先儒三禮舊圖凡得六  
本考正是否續素而申釋之每篇自叙其凡叅  
以近世沿革之說建隆二年五月丙寅表上之  
竇儼為序詔太子詹事尹拙集儒學三五人更  
同叅議拙多所駁正崇義復引經以釋之其駁  
義及答義各四卷率列於注釋詔頒行之又畫

於國子監講堂之壁考宋史崇義河南洛陽人

少舉三禮善禮學通經旨漢乾祐中累官至國

子禮記博士周顯德中國子司業兼太常博士

世宗詔崇義叅定郊廟祭玉又詔翰林學士竇

儼統領之崇義因取三禮圖再加考正建隆三

年四月表上之儼為序太祖覽而嘉之五月賜

崇義紫袍犀帶銀器繒帛以獎之云云與崇文

總目所載略符惟崇文總目稱建隆二年五月

上書鼂公武郡齋讀書志亦稱皇朝建隆二年而史載三年正與儼序合別本有崇義自序略云舊圖十卷形制闕漏文字省略不知所自臣崇義先於顯德三年冬奉命差定郊廟器玉因敢刪改至大宋建隆二年四月辛丑第叙既訖則知崇義書成於建隆二年至三年始行奏進耳宋史又載詔太子詹事尹拙等叅議多所駁正崇義復引經以釋之悉以下工部尚書竇儀

俾之裁定儀奏崇義研求師說耽味禮經較於  
舊圖良有新意尹拙爰承制旨能整所聞尹拙  
駁議及聶崇義答義各四卷臣再加詳閱隨而  
裁置率用增損列於注釋共分為十五卷以聞  
詔頒行之亦與崇文總目所載相合惟列於注  
釋之語乃竇儀編次兩家之說別為一書與三  
禮圖無涉耳書後有永嘉陳伯廣跋稱三禮圖  
始熊君子復得蜀本欲以刻于學而予至因屬

予刻之後題淳熙乙未閏月三日乙未為宋孝  
宗淳熙二年浙江通志載伯廣登紹興三十年  
庚辰進士通判明州其所稱熊子復按文獻通  
考熊克字子復建安人官起居郎以王丞相季  
海薦驟用王時在樞府趙溫叔當國莫知其所  
從來頗疑其由徑沮之上意向之不能回也此  
書圖畫人物器具用筆工細乃精於繪事者所  
作知影鈔時殊費經營矣

論語集說

一函  
五冊

宋蔡節撰十卷前載節進書表並集說例宋姜

文龍序

考浙江通志載蔡節永嘉人於宋理宗時歷知  
湖州明州衢州諸軍姜文龍麗水人登理宗淳  
祐元年辛丑進士是書於淳祐五年經進節表  
後結銜為朝散郎試太府卿兼樞密副都承旨  
姜文龍序作於淳祐六年云刊是書於湖類自

署為文學掾皆省志所未載影鈔字畫通體勻  
整其摹姜序行書學黃庭堅筆法尤得神理

張狀元孟子傳

一函  
八冊

宋張九成撰二十九卷

考宋史藝文志載九成孟子拾遺一卷語錄十  
四卷而不及此書馬端臨文獻通考亦未載按  
本傳九成字子韶錢塘人高宗紹興二年上將  
策進士詔考官直言者置高等九成對策稱旨

擢置首選授鎮東軍簽判累官至宗正少卿權

禮部侍郎兼侍講兼權刑部侍郎坐傾附趙鼎

落職秦檜復令司諫詹大方論其謗訕朝政謫

居南安軍在南安十四年每執書就明倚立庭

磚歲久雙趺隱然檜死起知溫州旋丐祠歸數

月卒理宗寶慶初特贈太師封崇國公謚文忠

此書標為張狀元孟子傳次行所列之銜係追

贈爵秩則是寶慶後校刊之本卷帙終于告子



而闕盡心全篇按宋史藝文志載張氏孟子傳  
三十六卷趙希弁郡齋讀書附志作孟子解三  
十六卷亦即是書此本蓋佚其七卷耳明焦竑  
國史經籍志載九成孟子解僅十四卷是前明  
內府所藏并佚其大半此雖未為全書而已為  
竑所未見且影鈔字法紙墨皆極精良其所得  
有二十九卷亦可謂是書之幸矣

琴川毛氏鈔本

宋本

甲

俱朱文卷一卷四卷七卷十

卷十四卷十八卷二十二卷二十六

毛晉

朱文卷一卷三

卷四卷七卷十

卷十三卷十四卷十八

卷二十三卷二十六

汲古主人

朱文卷一卷四卷六卷七卷十卷十三  
卷十四卷十八卷二十三卷二十五卷二十六

毛氏之印

李

俱朱文卷一卷三卷四卷六卷七卷九卷十卷十三

卷十四卷十七卷十八卷二十一卷二十三卷二十五卷二十六卷二十九

子

晉

朱文卷六卷九

卷二十一卷二十五

毛晉私印

晉子

俱朱文卷十七

卷二十九

闕補卷四二卷八六卷十七之卷十六七

新集古文四聲韻

一函五冊

宋夏竦撰五卷前竦進書序並古文所出書傳  
鼂公武郡齋讀書志曰古文四聲五卷夏竦撰  
博採古文奇字分四聲編次以便檢尋考宋史  
夏竦字子喬江州德安人以父承皓死難錄竦  
為潤州丹陽縣主簿繼舉賢良方正擢光祿寺  
丞仁宗寶元間以戶部尚書拜奉寧軍節度使

知永興軍繼兼陝西經略安撫招討進宣徽南  
院使與陳執中論兵事不合徙屯鄜州請解兵  
柄改判河中府徙蔡州慶厯三年召為樞密使  
諫官御史交章論奏詔徙知亳州改授吏部尚  
書歲中加資政殿學士明年拜同中書門下平  
章事又明年召入為宰相諫官御史復言不可  
遂改樞密使封英國公翰林學士張方平論竦  
奸邪宜出之罷知河南府未幾加兼侍中徙武

寧軍節度使進鄭國公以病歸卒謚文莊書中  
竦進書序稱慶歷四年二月結銜為吏部尚書  
知亳州軍州事證之史傳適符合史又謂竦  
以文學起家有名一時朝廷大典策累以屬之  
多識古文學奇字至夜以指畫膚是竦於大小  
篆功力獨深此本影鈔楷法皆本歐陽篆文從  
者如懸衡者如編頗得蔡邕書勢之妙洵可寶  
也

琴川毛氏藏本

宋本

希世之珍

朱文序  
卷二之卷五

毛晉之印

毛氏子晉

毛氏之印

李斧

俱朱文序

汲古閣

朱文序  
卷一  
卷三  
卷四

卷一之卷五

宋張時舉弟子職等五書

一函一冊

宋張時舉輯首周管子弟子職次漢班昭女誡

次宋呂大鈞呂氏鄉約鄉儀宋司馬光居家雜

儀凡五篇

宋陳振孫書錄解題曰弟子職等五書一卷漳  
州教授張時舉撰時舉宋史無傳其里居不可  
考按此五篇中呂氏鄉約書末稱汲郡呂大忠  
白後附載呂大鈞手札三通有朱子識語云此  
篇舊傳呂公進伯所作今乃載於其弟和叔文  
集又有問答諸書如此知其為和叔所定不疑  
篇末著進伯名意以其族黨之長而推之使主

斯約耳又鄉儀後亦有朱子識語云此篇舊題  
蘇氏鄉儀意其為蘇昞李明博士兄弟所作今  
按呂叔和文集乃李明所序而此篇在焉然則  
乃呂氏書也因去篇題二字而記其實如此考  
宋史大忠字進伯京兆藍田人登第歷官寶文  
閣直學士知渭州忤章惇曾布徙知同州降待  
制致仕其弟大鈞字和叔中乙科歷官宣義郎  
廊延轉運司從事蘇昞字李明武功人元祐中



太常博士此書字法歐體工整清勁影鈔能得其神洵為佳本

琴川毛氏鈔本

宋本

希世之珍

毛

晉

俱朱文  
卷首

毛氏之印

李

朱文  
卷末

筆研精良  
人生一樂

趙文敏公書卷末云  
吾家業儒辛勤置書  
以遺子孫其志何如  
後人不讀將至於鬻  
頗其家聲不如禽犢  
苟歸他室當念斯言  
取非其有無寧舍旃

月明千  
里故人同

子晉  
書印

汲古得  
修綆

仲雍  
故國  
人家

俱朱文

卷末

影宋鈔史部

集補後漢書年表

一函  
四冊

宋熊方撰十卷前方進書序表狀三篇

明盧廷選南昌府志熊方字廣居豐城人靖康  
鄉舉貢上庠叅澧州軍事雅善書高宗內禪大  
書堯舜二字表進有旨付秘閣除本路帥幕此

書序表卷首結銜右迪功郎前權澧州司戶叅  
軍與志所載脗合書中雖未紀進御年月當亦  
在高宗之時後漢書無年表得方輯之以補范  
曄劉昭之闕亦藝林盛事第宋史藝文志及馬  
端臨文獻通考皆不載是書觀方進狀中有昨  
嘗投進未蒙指揮之語豈當時經進再三而終  
無明詔許可耶宜其此書刊行流傳絕尠是不  
能不有賴于影鈔矣

續資治通鑑長編

十函  
五十冊

宋李燾撰一百八卷前燾進書表

馬端臨文獻通考載燾撰續通鑑長篇其奏進  
凡四次宋孝宗隆興元年燾知榮州時所進者  
起建隆迄開寶為十有七卷乾道四年官禮部  
侍郎時所進者起建隆迄治平為一百八卷淳  
熙元年知瀘州時所進者輯治平之後至中興  
以前六十年事年為一卷合前所進一百八卷

為一百六十八卷又於卷中字數之繁略再均分之總為二百八十卷淳熙九年憲知遂寧府時又上言臣累次進所為續資治通鑑長編今重別寫進共九百八十卷計六百四冊其修撰事總為目一十卷又緣一百六十八年之事分散為九百八十卷其間文字繁多本末頗難立見略存梗槩庶易檢尋今創為建隆至靖康舉要六十八卷并卷總目共五卷以上四種通計

一千六十三卷六百八十七冊投進者云云是  
續資治通鑑長篇以九百八十卷者為全本其  
舉要之六十八卷則自別為一書此本為一百  
八卷蓋燾第二次所進之書也考宋史李燾字  
仁甫眉州丹棱人紹興八年擢進士第累官至  
敷文閣學士提舉佑神觀兼侍講年七十卒謚  
文簡累贈太師溫國公生平耻讀王氏書獨博  
極載籍搜羅百氏慨然以史自任本朝典故尤

悉力研覈上嘗謂長編一書無愧司馬遷其歿  
也復謂宇文价曰朕曾許燾大書續資治通鑑  
長編七字且用神宗賜司馬光故事為序冠篇  
不謂其止此是孝宗之心許長編亦已至矣獨  
惜其卷帙浩繁購藏匪易不惟九百八十卷者  
世所罕存即此一百八卷之本亦復希有影鈔  
以傳誠深於好古者矣

泰興季振宜鈔本

季振宜  
藏書

朱文  
表

御史  
之章

白文  
目錄

季印  
振宜

滄  
葦

俱朱文  
目錄

闕補卷十三  
六

九域志

一函  
十冊

宋王存曾肇李德芻同撰十卷前王存等進書  
狀

鼂公武郡齋讀書志曰皇朝王存被旨刪定總  
二十三路京府四次府十州二百四十二軍三



十七監四縣一千一百三十五陳振孫書錄解  
題曰存與曾肇李德芻等共刪定名元豐九域  
志書首王存等進書狀稱本朝九域圖自天禧  
以後歷年茲多事有因革乃詔臣肇臣德芻撰  
次於秘閣而臣存實董其事綴輯大體略仿前  
書舊名圖而無繪事乃請改曰志云云按天禧  
為宋真宗年號狀後雖無紀年而振孫謂名為  
元豐九域志元豐為神宗年號距天禧時已六

十餘載故狀中有歷年茲多之語也考宋史德  
芻無傳存字正仲潤州丹陽人登慶歷六年進  
士第累官至資政殿學士歷知揚州大名府杭  
州提舉崇禧觀遷右正議大夫致仕肇字子開  
建昌南豐人舉進士累官龍圖閣學士提舉中  
太乙宮出知揚定等州終濮州團練副使是書  
影鈔紙墨精潔字畫整嚴固非率爾操觚者

琴川毛氏鈔本

宋本

甲

朱文狀

卷一之卷十

毛

晉

朱文狀

卷一

毛氏印

李

朱文狀

卷一之卷十

子晉書印

朱文 卷一 卷二 卷四 卷五

卷六 卷七 卷八 卷九 卷十

汲古得修綆

朱文 卷三 卷五

卷七 卷八 卷十

子晉之印

朱文 卷二 卷三 卷五

卷六 卷八 卷九

毛氏子晉

朱文 卷三 卷三 卷五

卷六 卷八 卷九

汲古主人

朱文

卷四

清波雜誌

一函  
二冊

宋周煇撰十二卷前宋張貴謨序後宋章斯中  
張訢陳晦楊寅張巖龔頤正徐似道七跋

考兩浙名賢錄周煇字昭禮淮海人紹熙間居  
錢塘清波門之南嗜學工文藏書萬卷隱居不  
仕當世名公卿多折節下之而簡亢自高未嘗  
報謝撰清波雜誌十二卷是書張貴謨序作於  
紹熙癸丑按癸丑為宋光宗紹熙四年書後章

斯中張訢陳晦三跋皆是年作其楊寅張巖二  
跋作於寧宗慶元二年龔頤正徐似道二跋作  
於慶元三年考宋史張巖字肖翁揚州人登乾  
道五年進士第累官至知樞密院事督視江淮  
軍馬繼以銀青光祿大夫致仕餘俱無傳浙江  
通志載張貴謨遂昌人乾道二年丙戌進士官  
至朝議大夫長興縣志載陳晦字自明中童子  
科又中博學宏詞科仕至刑部侍郎兼中書舍

人有文集三十卷凌迪知萬姓統譜載龔頤正  
楚人寧宗嘉泰元年以學問該博賜同進士出  
身官至秘書丞徐似道字淵子天台人少負才  
名為吳江尉受知范成大官至秘書監少監斯  
中訢寅無考似道跋最後作有余來中都聞周  
處士清波志急祈借傳錄云云是當時此書已  
徵紙貴今得影鈔真堪什襲矣

御題逸史犁然志紹熙久無傳本此稱奇唐鈎晉蹟

隔一間明影宋刊非兩歧世道人心斯繫矣南遷北  
代早早之清波門外西湖水洗盡當年謾墓辭乾隆  
甲午冬御筆鈐

寶二曰所寶惟賢曰乾隆御筆

影宋鈔子部

孔子家語

一函  
三冊

魏王肅注十卷前肅序

漢書藝文志載家語二十七卷顏師古曰非今

所有家語也唐書藝文志載王肅注家語則為  
十卷宋陳振孫書錄解題亦云家語十卷孔子  
二十二世孫猛所傳魏散騎常侍王肅為之注  
肅闢鄭學猛嘗受學於肅肅從猛得此書與肅  
所論多合從而證之遂行于世明何孟春補注  
家語前載漢博士孔衍上言臣祖故臨淮太守  
家國撰次孔子家語既畢會值巫蠱事起遂廢  
不行近世小儒以曲禮不足而乃取孔子家語



雜亂者及子思孟軻荀卿之書以裨益之總名  
曰禮記今見其在禮記者則便除家語之本篇  
是謂滅其原而存其末也不亦難乎云云孟春  
序曰如孔衍言則壁藏之餘實孔安國為之而  
王肅序未始及焉不知何謂班史所志大都劉  
向校錄已定之書肅之所注非安國之所撰次  
及向之所校者明矣肅之注愚不獲見而見其  
序今世相傳家語殆非肅本非師古所謂今之

所有者司馬貞與師古乃同代人貞作史記索  
隱引及家語今本或有或無有亦不同愚有以  
知其非肅之全書矣謹即他書有明著家語而  
今本缺畧者以補綴之分四十四篇為八卷存  
之私塾以俟博雅君子或得肅舊本而是正焉  
是豈獨春之幸哉按春序作於明武宗正德二  
年其時欲求宋刊舊本已不可得今以是書考  
之係為十卷與唐書所載陳振孫所言俱相脗

合且較之孟春刊本篇中或有多十之三四并  
十之六七者則為肅舊本無疑影鈔之為功詎  
淺鮮哉

御題天祿青藜信也非何於家語却相違祖傳孫辨  
名因正明影宋刊世已稀多漏鮮全斯乃萃鈎元提  
要志焉希愀然敬對君為政一語興邦凜勅幾乾隆  
甲午仲秋月御筆鈐乾隆雙璽

彭城錢孫保鈔本孫保無考

錢求赤  
讀書記

朱文 卷三

卷七 卷十

彭城

朱文

求赤  
氏

錢印  
孫保

俱白文 卷四

卷八

匪菴

朱文

卷十

新儀象法要

一函  
一冊

宋蘇頌撰三卷前頌進書狀

陳振孫書錄解題載蘇頌於哲宗元祐三年新  
造渾天成記其法要而圖其形象進之考宋史

蘇頌字子容丹陽人第進士歷官吏部侍郎元祐初遷吏部尚書七年拜右僕射兼中書門下侍郎紹聖四年以太子少師致仕稱其總吏部時請別製渾儀以吏部令史韓公廉曉算術奏用之授以古法為臺三層上設渾儀中設渾象下設司晨貫以一機激水轉輪不假人力時至刻臨測司晨出告星辰躔度所次占候則驗不差晷刻晝夜晦明皆可推見云云今以頌進狀

年月并狀後結銜與史傳較之皆合書中為圖六十有一畫極工細字亦精整可寶也

御題梁代渾儀已制之失傳蘇頌乃重為有經有緯述前驗具說具圖期後垂亦曰用心究鉤股即看影槩悉毫釐大成

圓象精鎚

皇祖鴻貽萬世規乾隆乙未孟春上澣御筆鈐乾隆雙

璽

虞山錢遵王述古堂藏書

每葉邊闌外左方

按遵王名曾常熟人

考古圖

一函六冊

宋呂大臨撰十卷後大臨自記又附續考古圖  
五卷考古圖釋文一卷

鼂公武郡齋讀書志曰皇朝呂大臨與叔裒諸  
家所藏三代秦漢尊彝鼎敦之屬繪之於幅而  
辨論形制文字馬端臨文獻通考引陳振孫曰

考古圖十卷呂大臨作於元祐七年所紀自御府之外凡三十六家所藏古器物皆圖而錄之考宋史大臨字與叔學於程頤與謝良佐游酢楊時在程門號四先生通六經尤邃於禮元祐中為太學博士遷祕書省正字范祖禹薦之未及用而卒大臨記稱余於士大夫之家所閱多矣每得傳摹圖寫寢盈卷軸尚病欸識未能深考暇日論次成書云云是大臨所撰之書止於



十卷鼂公武陳振孫所見皆此本也今書後有  
續考古圖五卷釋文一卷不載纂人姓氏宋史  
藝文志及玉海文獻通考諸書亦未之及書中  
往往引考古圖以為證稱之曰呂與叔則非大  
臨自為續纂之書明矣其體例皆仿前書所收  
古器頗多亦好古之士卷一首列玉尺云周尺  
漢尺晉尺皆同宋尺則為宋人所撰無疑影鈔  
繪圖雖取工細而用筆圓健迴殊俗手其摹古

器文字亦不失篆籀遺意

錢遵王述古堂藏書

每葉邊闌外左方

按曾撰讀書敏

求志載此書稱北宋鏤板予得之梁溪顧脩遠  
洵縹囊中異物後為李滄葦借去屢索不還耿  
耿掛胃臆者數年滄葦歿此書歸之徐健菴予  
復從健菴借來躬自摹寫其圖象命良工繪畫  
不失毫髮楮墨更精於槧本閱之沾沾自喜云  
云據此則是書正為曾所手抄宜其精妙絕倫

矣

金壺記

一函  
二冊

宋僧適之撰上中下三卷

馬端臨文獻通考載金壺記僧適之集書家故事以二字為題而注所出於其下凡三百餘條適之始末無考書後稱浮提之國獻神通善書二人乍老乍少隱形則出影聞聲則藏形出肘間金壺四寸上有五龍之檢封以青泥壺中有

墨汁如淳漆灑地及石皆成篆隸科斗之字記

造化人倫之始佐老子撰道德經垂十萬言寫

以玉牒編以金繩貯以玉函晝夜精勤形勞神

倦及金壺墨盡二人剗心漉血以代墨焉遮鑽

腦骨取髓代為膏燭及髓血皆竭探懷中玉管

中有丹藥之屑以塗其身骨乃如故老子曰更

除其繁紊存五千言及至經成工畢二人亦不

知所往係錄晉隴西王嘉拾遺記中語以紀金

壺二字所從出也影鈔紙白如雪墨色不尚濃  
厚取其勻淨幾與刊本摹印無異

琴川毛氏鈔本

宋本

甲

毛晉  
私印

子  
晉

毛  
辰  
印

李  
斧

毛

晉

汲古  
主人

俱朱文

上下冊

影宋鈔集部

離騷草木疏

一函  
二冊

宋吳仁傑撰四卷後仁傑自記宋方燦跋

宋史藝文志及晁公武陳振孫馬端臨諸人所纂書目皆不載是書惟明焦竑經籍志有吳仁傑離騷草木蟲魚疏二卷今觀是書標題為草木疏而書中亦不及蟲魚且仁傑後記稱離騷以薝草為忠正薝草為小人蓀芙蓉以下凡四十有四種猶青史氏忠義獨行之有全傳也薝

菴施之類十一種傳著卷末猶佞幸姦臣傳也  
云云是仁傑之疏草木正以沅湘香草騷之寄  
托故作此以逆靈均之意耳焦竑所載祇二卷  
此為四卷亦不相符錢曾讀書敏求記載此書  
亦為草木疏其稱草木蟲魚疏者乃甬東屠本  
峻所撰則知焦竑所載並未加考也仁傑家史  
無傳按朱彞尊曝書亭集有吳氏兩漢刊誤補  
遺跋稱仁傑字斗南別號蠹隱居士本崑山人

其稱河南者舉郡望而然登淳熙進士厯官國  
子學錄今書中於結銜下亦署河南其銜為國  
子錄俱與彙尊所言相符惟書末結銜稱免解  
進士蘄州學正充羅田縣縣學講書吳仁傑校  
正意仁傑是書既成刊行之日乃在羅田也方  
燦亦稱河南人其始末無考影鈔字畫結體在  
歐柳之間非工書者不能得此

御題疏傳草木異劉王特重離騷廿五章豈為春園



問桃李獨存古道弔沅湘辨精魚魯篇篇核義寓興  
觀字字芳雖是羅田版亡矣步兵從可識中郎乙未  
春月御筆鈐乾隆雙璽

虞山席鑑鈔本鑑無考

墨妙  
筆精

朱文

席鑑  
之印

朱白間文

席氏  
玉照

朱文

俱卷一之四

虞山席  
鑑玉照  
氏收藏

朱文卷二

跋後

王摩詰文集

一函  
四冊

唐王維著十卷前維弟縉進書表代宗答詔

唐書王維字摩詰太原祁人九歲知屬辭與弟  
縉齊名開元初擢進士歷官給事中安祿山反  
維為賊得以藥下利陽瘖祿山素知其才迫為  
給事中維賦詩悼痛賊平下獄或以詩聞行在  
時縉位已顯請削官贖兄罪肅宗亦自憐之下  
遷太子中允久之遷中庶子三遷尚書右丞上  
元初卒至寶應中代宗語縉曰朕嘗於諸王座  
間聞維樂章今傳幾何遣中人王承華往取縉

裒集數十百篇上之今書中縉上文集表稱中  
使王承華奉宣進上今臣進亡兄故尚書右丞  
維文章云云與史傳脗合代宗答詔有抗行周  
雅長揖楚詞之語蓋亦深重其才矣縉字夏卿  
舉草澤文辭清麗科上第累官至黃門侍郎同  
中書門下平章事以招納財賄獲罪論死上憫  
其耄貶括州刺史久之遷太子賓客分司東都  
建中二年卒年八十二此書前後無序未審為

宋代何時刊本自元明以來刻維集者甚多今  
得此影鈔以留宋槧面目亦超出於諸本之上  
矣

琴川毛氏鈔本

宋本

甲

朱文  
表

毛晉  
之印

毛氏  
子晉

俱朱文 卷一  
卷三 卷七

毛

晉

朱文 卷二  
卷十

汲古  
主人

朱文 卷二  
卷十

子

晉

朱文 卷四  
卷九

東吳毛氏  
圖書

朱文  
卷五

子晉  
書印

朱文 卷五  
卷六

汲古得  
修綆

朱文

卷六

汲古閣

朱文

卷八

毛晉  
私印

晉子

俱朱文

卷十

劉賓客外集

一函  
二冊

唐劉禹錫著十卷

唐書劉禹錫字夢得自言系出中山世為儒擢  
進士第登博學宏詞科歷官太子右庶子憲宗  
時貶連州刺史未至斥朗州司馬久之召還宰  
相欲任南省郎以作詩譏忿出為播州刺史裴

度居相位薦為禮部郎中集賢直學士度罷出  
為蘇州刺史徙汝同二州遷太子賓客分司東  
都會昌時加檢校禮部尚書陳振孫書錄解題  
曰禹錫集本四十卷逸其十卷常山宋次道裒  
集其遺文得詩四百七篇雜文二十二篇為外  
集然未必皆十卷所逸也是書雖無次道序跋  
而卷數篇目相同乃即振孫所指之本影鈔分  
行布白結構清朗與王維集同出一手

琴川毛氏鈔本

宋本

甲

朱文  
卷一

毛

晉

朱文  
卷之九

私印

汲古主人

朱文  
卷五

盤洲文集

四函  
二十四冊

宋洪适著八十卷後附行狀碑銘并拾遺共一冊

馬端臨文獻通考引陳振孫曰盤洲集八十卷丞相文惠公鄱陽洪适景伯撰皓之長子方奉

使時文惠甫十三歲後與其弟遵同中高宗紹興十二年壬戌宏博科本名造後改焉又三年乙丑弟邁繼之世號三洪其自淮東總領入為太常正卿一年而入右府又半年而拜相然在位僅三閱月為林安宅所攻而去嘗一帥越間居十六年而終是本影鈔集八十卷皆係全本惟目錄載有序跋俱闕其拾遺文四篇今僅存其二想當時刊本流傳甚少所影者本有遺佚



耳行狀後署名稱壻奉議郎幹辦行在諸軍審計司許及之狀考宋史及之字深甫温州永嘉人第進士知袁州分宜縣以部使者薦除諸軍審計累官至吏部尚書諂事韓侂冑二年不遷見侂冑流涕不覺膝屈未幾同知樞密院事當時有由竇尚書屈膝執政之語傳以為笑嘉定二年拜叅知政事進知樞密院事兼叅政侂冑誅降兩官泉州居住尋卒此狀為及之初仕時

所作以後所為殊愧适東林之選矣碑銘係周  
必大撰考必大字子充廬陵人第進士中博學  
宏詞科召試館職由國史院編修官屢遷至右  
丞相拜少保益國公為諫長倚澹所劾又坐所  
舉官以賄敗改判隆興府寧宗二年復少傅卒  
贈太師謚文忠

琴川毛氏鈔本書中有白堤錢聽默經眼一印  
無考

宋本

朱文目錄

卷一

毛氏之印

李斧

俱朱文目錄

卷一卷八十

白堤錢聽默經眼

朱文目錄

卷八十

闕補卷八一卷二十一卷三十二十

欽定天祿琳琅書目卷四



總校官候補中書臣吳紹濬

校對官中書臣徐秉敬

騰錄貢生臣左顥若